

孫真人備急千金要方卷之七十二 慈一

宋朝奉郎守太常少卿元秘閣校理林億等校正

解毒并雜治方

解毒第一論

論曰凡人跋涉山川不諳水土人畜飲啖誤

中於毒素不知方多遭其斃豈非枉橫耶然而大聖久設其法以救活之正為貪生嗜樂忽而不學一朝逢遇便自甘心竟不識其所以今述神農黃帝解毒方法好事者可少留意焉

治諸食中毒方

飲黃龍湯及犀角汁無不治也飲馬尿亦良

治飲食中毒煩懣方

苦參三兩以酒二升半煮取一升頓服取吐愈

治食百物中毒方

掘廁傍地深一尺以水滿坑中取廁籌七枚燒令煙以投坑中乃取水汁飲四五升即愈急者不可得但掘地著水即

取飲之

又方服生韭汁數升

又方合貝子一枚須臾吐食物瘥

治食六畜肉中毒方

各取六畜乾屎為末水服佳若是自死

六畜肉毒水服黃蘗末方寸匕須臾服

與佳

又方燒小豆一升為末服三方寸匕神良

又方水服竈底黃土方寸匕

治食生肉中毒方

掘地深三尺取下土三升以水五升煮土五六沸取上浮清者飲一升立愈

治食牛肉中毒方

狼牙燒灰水服方寸匕良一作猪牙

又方溫湯服猪脂良

又方水煮甘草汁飲之

治食牛馬肉中毒方

飲人乳汁良

治食馬肉血洞下欲死方

豉二百 杏仁二十

右二味以咀蒸五升米下飯熟搗之再服

今盡

又方蘆根汁飲以欲即解

治生食馬肝毒殺人方

杜鼠屎二七枚兩頭尖者是以水研飲之不瘥更作

之不瘥更作

治食野菜馬肝肉諸脯肉毒方

取頭垢如棗核大吞之起死人

又方燒狗屎灰水和絞取汁飲之立愈

又方燒猪骨為末水服方寸匕

治食百獸肝中毒方

頓服猪脂一斤佳亦治陳肉毒

治食狗肉不消心中堅或腹脹口乾大渴心

急發熱狂言妄語或洞下方

杏仁一升合皮研以沸湯三升和絞取

汁分三服狗肉完片皆出即靜良驗

治食猪肉中毒方

燒猪屎為末服方寸匕犬屎亦佳

治漏脯毒方張大仲云等宜猪水速脯為漏脯

搗韭汁服之良大豆汁亦得

治鬱肉濕肺毒方 張大仲云肉閉在器中經宿者為濕肺

燒狗屎為末水服方寸匕凡生肉熟肉皆不用深藏密蓋不泄氣皆殺人又肉汁在器中密蓋氣不泄者亦殺人

治肺在黍米中毒方

麴一兩鹽兩撮以水一升煮服之食

治牛射罔脯毒及餅臠中毒方

取貝子為末水服如豆佳不瘥又服人以雜肉作餅臠因食皆吐下治之方

犀角為末服方寸匕得靜甚良

治食鴉鴨肉成病胃滿面赤不下食者方

服秫米泔良

治食魚中毒方

煮橘皮停極冷飲之立驗 肘後方云治食魚中毒面赤者

治食魚中毒面腫煩亂及食鱸魚中毒欲死者方

剉蘆根春取汁多飲良并治蟹毒亦可取蘆葦葉汁飲之愈

治食魚鱸及生肉在胃膈中不化吐之不出

便成癥瘕方

厚朴 三兩 大黃 二兩

右二味以酒二升煮取一升盡服立

消人強者

大黃用酒三升煮取二升再服之

治食魚鱸不消方

大黃 三兩 朴消 二兩

右二味以酒二升煮取一升頓服之 仲景積皮一兩肘後方云治食魚鱸不通冷不消亦或飲下之方亦無積皮

又方春馬鞭草飲汁一升即消生薑亦良 肘後方云亦宜

又方鮫魚皮燒灰水服無完皮壞刀裝取之 食錄云治

一名鮫魚皮 食錄云治

又方魚皮燒灰水服方寸匕

又方魚鱗燒灰水服方寸匕食諸鮑魚中毒亦用之

治食蟹中毒方

冬瓜汁服二升冬瓜亦可食

治食諸菜中毒方

甘草 貝齒 胡粉 各等分

右三味治下篩水服方寸匕小兒尿乳汁共服二升亦好

治食山中樹菌中毒方

人尿汁服一升良

解百藥毒第二 論方

論曰甘草解百藥此實如湯沃雪有同神效有人中烏頭已豆毒甘草入腹即定中藜蘆毒葱湯下咽便愈中野葛毒土漿飲訖即止

如此之事其驗如反掌要使人皆知之然人皆不肯學誠可歎息方稱大豆汁解百藥毒

余每試之大懸絕不及甘草又能加之為甘豆湯其驗尤奇有人服玉壺丸治嘔不能已

百藥與之不止藍汁入口即定如此之事皆須知之此則成規更不須試練也解毒方中

條例極多若不指出一二學者不可卒知餘方例爾

石藥毒用白鴨屎

人參汁雄黃毒用防己

鐵粉毒用磁石

礬石毒用

<p>防已 防風 甘草</p> <p>羌花毒用</p>	<p>大豆汁 白鵝膏</p> <p>防葵毒用葵根汁</p> <p>桔梗毒用白粥</p> <p>甘遂毒用大豆汁</p> <p>大戟毒用菖蒲汁</p> <p>躑躅毒用梔子汁</p> <p>雞子毒用淳醋</p> <p>馬刀毒用清水</p> <p>野羊毒用</p> <p>土漿 人糞汁</p> <p>杏仁毒用藍子汁</p> <p>百藥毒用</p> <p>甘草 薺菜 大小豆汁</p> <p>藍葉根實汁</p> <p>金銀毒用</p> <p>水銀服數兩即出雞子汁及屎白燒猪脂和水淋雞屎汁煮葱白汁鴨血及屎汁</p>
<p>杏仁 藍汁 白飲</p> <p>狼毒毒用</p> <p>射罔毒用</p> <p>藍汁 大小豆汁 竹瀝</p> <p>大麻子汁 藕艾汁 六畜血</p> <p>貝齒屑 蚯蚓屎</p> <p>半夏毒用生薑汁及煮乾薑汁</p> <p>良苕毒用</p> <p>薺菜 甘草 犀角</p> <p>蟹汁 升麻</p>	<p>桂汁</p> <p>野葛毒用</p> <p>雞子清 葛根汁 甘草汁</p> <p>鴨頭熱血 猪膏 雞屎</p> <p>人尿</p> <p>藜蘆毒用</p> <p>雄黃 温湯 煮葱汁</p> <p>烏頭天雄附子毒用</p> <p>大豆汁 遠志 防風</p> <p>棗肉 飴糖</p>
<p>解諸菌毒</p> <p>掘地作坑以水沃中攪令濁澄清飲之</p> <p>名地漿</p> <p>乾薑 黃連 飴糖</p> <p>飲藍汁 吞雞子黃</p> <p>服藥過劇悶亂者用</p> <p>水和胡粉 水和葛粉 地漿</p> <p>藜荷汁 杭米瀝 豉汁</p> <p>巴豆 鹽湯煮猪膏</p> <p>藍汁</p>	<p>鹽汁 木占斯</p> <p>巴豆毒用</p> <p>煮黃連汁 大豆汁 菖蒲汁</p> <p>生薑汁<small>小豆後云</small></p> <p>蜀椒毒用</p> <p>葵子汁 蒜 桂汁</p> <p>豉汁 人尿 冷水</p> <p>土漿 雞毛燒吸煙及調水服</p> <p>斑貓元青毒用</p> <p>猪膏 大豆汁 戎鹽</p>

解一切毒藥發不問草石始覺惡即服此方

豉升三 生麥門冬 葱白各八兩

右三味以水七升煮取二升半分三服

雞腸草散解諸毒方

雞腸草分三 薺菜

芍藥 當歸

空土分 藍子分

升麻各四分

甘草分二

右八味治下篩水服方寸匕多飲水為佳

若為蜂蛇等毒蟲所螫以針刺螫上血出

者藥如小豆許於瘡中令濕癢為射罔箭

所中削竹如釵股長一尺五寸以綿纏繞

水沾令濕取藥內瘡中隨瘡深淺令至底

止有好血出即休若服藥有毒水服方寸

匕毒解痛止愈

解毒藥散方

薺菜分 藍子二分

右二味七月七日取藍陰乾搗篩水和服

方寸匕日三

又方中毒者取秦燕毛二七枚燒灰服

解一切毒方

母豬屎水和服之又水三升三合和米

粉飲之

解鴆毒及一切毒藥不止煩懣方

甘草 蜜分各四 梁米粉升一

右三味以水五升煮甘草取二升去滓歌

大熱內粉湯中攪令勻調內白蜜更煎令

熱如薄粥適寒溫飲一升

治食葷若悶亂如卒中風或似熱或狂病服

藥即劇方

飲甘草汁藍青汁即愈

治野葛毒以死口禁者方

取青竹去兩節挂兩脇臍上內冷水注

之煖即易須臾口開即服藥立活惟

須數易水

治鈎吻毒因欲死面青口禁逆冷身痺方射後

方云鈎吻菜食芥相似而所生之處無他草又並有毛誤食之殺人

薺菜八兩以水六升煮取三升冷

如人體服五合日三夜二凡煮薺菜惟

今濃佳

又方煮桂汁飲之

又方散葱涕佳射後

治腹中有鐵方

白折炭刮取末并花水服三錢不過再

服

孫真人備急千金要方卷之七十二